

**KERATAN AKHBAR-AKHBAR TEMPATAN
TARIKH: 28 DISEMBER 2015 (ISNIN)**

Bil	Tajuk	Akhbar
1.	Pusat Sains Negara baharu bakal dibina di Tuaran	Kosmo
2.	MOSTI harap banyak produk berinovasi dikomersial tahun depan	BERNAMA
3.	Mosti hopes to commercialise more innovation next	The Malaysian Insider
4.	Make sweeping changes to curb slide, say educationalists	Malay Mail
5.	Malaysia bina siklotron	Utusan Malaysia
6.	Rawatan Nuklear	Utusan Malaysia
7.	Tenaga nuklear untuk majukan pertanian	Berita Harian
8.	Keseronokan angkasa	Utusan Malaysia
9.	Biosecurity threat calls for serious response	The Star
10.	Struggling to meet 50-year science target	Malay Mail
11.	Massive budget fails to achieve ratio after 50 years	Malay Mail
12.	Ushering in a rainy new year	The Star
13.	Angin kencang dijangka berterusan sehingga Rabu ini	BERNAMA
14.	Angin kencang berterusan hingga Rabu ini	Sinar Harian
15.	Amaran berlaku air pasang besar	Sinar Harian
16.	E-commerce set for growth	The Star
17.	Terima pengiktirafan Sirim, Jakim	Sinar Harian

Pusat Sains Negara baharu bakal dibina di Tuaran

TUARAN - Sebuah Pusat Sains Negara (PSN) bakal dibina di daerah ini bagi menggalakkan generasi muda khususnya di Sabah yang meminati sains.

Menteri Sains Teknologi dan Inovasi, Datuk Seri Madius Tangau berkata, pembinaannya kini dalam proses permohonan tanah dan reka bentuk bangunan berkenaan.



MADIUS

“Kita akan membina sebuah PSN baharu yang kontemporari dan moden berbanding PSN di Bukit Kiara, Kuala Lumpur,” katanya ketika ditemui pada majlis rumah terbuka Krismas Parlimen Tuaran di Dewan Seri Sulaman di sini semalam.

Beliau memberitahu, daerah tersebut adalah paling sesuai untuk pembinaan PSN kerana berdekatan dengan Kota Kinabalu selain mempunyai tanah Persekutuan.



MOSTI Harap Banyak Produk Berinovasi Dikomersial Tahun Depan

TUARAN, 27 Dis (Bernama) -- **Kementerian Sains, Teknologi dan Inovasi (MOSTI)** berharap lebih banyak produk berinovasi dapat dikomersialkan pada tahun hadapan.

Menterinya Datuk Wilfred Madius Tangau berkata ini kerana tahun depan diisytiharkan sebagai Tahun Pengkomersilan Produk Berinovasi 2016.

"Sasaran kami sehingga 2020, kami mahu mengkomersialkan 60 produk setiap tahun.

"Tetapi oleh kerana tahun depan diisytiharkan sebagai tahun pengkomersilan produk, kami berharap banyak produk melebihi sasaran dapat dikomersialkan," katanya ketika ditemui pemberita pada Majlis Rumah Terbuka MOSTI di sini hari ini.

Berbeza dengan tahun ini yang mana pengkomersilan produk di peringkat MOSTI, Madius berkata program itu pada tahun depan akan diperluaskan kepada kementerian lain.

"Saya sendiri akan mempengerusikan satu jawatankuasa pelaksana di peringkat kebangsaan melibatkan semua kementerian supaya tahun depan ini akan benar-benar melibatkan seluruh rakyat dan kementerian lain untuk mengkomersialkan ciptaan rakyat Malaysia," katanya.

Madius juga berharap rakyat akan mengambil peluang dalam program itu sebagai langkah mencari pendapatan, khususnya dalam keadaan ekonomi yang dijangka mencabar pada tahun depan.

Sementara itu, beliau berkata pihaknya masih dalam proses perancangan untuk mewujudkan sebuah Pusat Sains Negara di Tuaran.

Beliau yang juga anggota Parlimen kawasan Tuaran berkata cadangan untuk membina pusat itu di Tuaran bukan kerana beliau merupakan wakil rakyat di kawasan itu, tetapi kedudukannya yang dekat dengan bandaraya Kota Kinabalu.

"Selain itu, Tuaran juga mempunyai banyak tanah Persekutuan di mana kita boleh membangunkan pusat ini," tambahnya.

-- BERNAMA

